

四庫全書

史部

欽定四庫全書

萬壽盛典初集卷九十八

歌頌三十八

武英殿諸臣二

萬壽詩

七言律各四首

議

敘

知

縣

臣

裘嚴生

瑞氣彌綸六合中
瑤光如月亘長虹
人輸悃悞歸

皇度天錫禎祥萃

聖躬四海湯湯流愷澤九衢習習扇和風

恩波正與韶華溥品彙昭蘇仰化工

其一

琪花瑶草慶韶年火棗交梨奉

御筵堦下班齊黃閣老雲中樂奏紫霞仙

湛恩汪濊原同海

睿藻輝煌迴麗天至德至仁宜至壽陳詩奚啻九如篇

其二

萬樹宮花一色勻暖風遲日兆長春民忘

帝力安耕鑿物戴天工沐化鈞薄海車書文教盛盈庭

簪紱頌聲新

微臣

欲效華封祝齋祓相隨謁

紫宸

其三

仙掌晴雲拂曙流霞光照耀鳳凰樓紫泥書下

宣

恩澤絳縣籌添拜

冕旒階植堯堯知歲月海生莊樹紀春秋良辰甲子周

方始從此還輪億萬周

其四

議

敘

知

縣臣蔣

深

甲子中天億萬春

垂裳恭己自存神
箕疇歷竝金甌永
離照光懸黼辰新
親闢四門羅逸鳳
屢行

丹詔起潛鱗
欲知化被無垠處
羣奉車書拱

玉宸

其一

三殿風清湛露濃
先春瑞應玉芙蓉
雲中迎輦翔雙鳳
天上鳴鑾駕六龍
北燮南諧歸禹貢
金泥玉

檢陋秦封康衢父老何知識歲聽

恩綸下九重

其二

雲璈聲奏徹層霄律轉芳蕤六氣調仁壽域中
天廣大軒轅圖裏歲殷遙歌成保定追周雅懽
洽華封祝

帝堯共識貞符垂象遠齊瞻南極正光昭

其三

環列西山壯

帝居氤氲瑞靄日長舒早教桃李三春放特置科名十

載初化育萬年遊沕穆鈞陶四海樂華胥分曹

校勘

微臣

職願綴班行頌九如其四

議

敘

知

縣

臣

程

瓚

韶景欣逢

聖壽辰普天同慶祝長春和風披拂開

金殿瑞靄繽紛護

紫宸萬里越棠來白雉九成虞奏舞祥麟太平盛事超

三古弗祿駢臻戩穀頻

其一

帝德如天迴莫量遲遲春日正垂裳心涵元化璣衡轉
手握禎符甲子長疇範統歸

皇有極升恒竝頌

壽無疆建章即是蓬萊境僊露香盈

萬歲觴其二

道協貞元養太和華封豈止祝三多中朝共慶

千秋節髦士爭趨

萬壽科惠下殊恩歌湛露作人盛典賦菁莪一天淑景

籠佳氣庭燎光中響玉珂其三

微末追隨索筆班承恩亦許觀

天顏青鸞向日先呈瑞紫氣多時已入關星近斗杓朝

北闕松高岱頂拱南山

聖齡自竝乾坤永無數仙籌海屋間

其四

議

敘

知

縣臣孫農祥

景慶星雲集未央巍巍

聖德本無疆堯天廣運兼三極舜日重華照萬方訓世文

章超典誥在庭楨幹樹賢良

盛朝禮樂隆千古率土羣歌有道長

其一

融和韶景會昌期共慶嵩呼

萬壽時瑞日正中周甲子長春方始遞千支祥光恒繞
蓬萊殿佳氣深涵太液池九奏簫韶齊祝嘏青

麟率舞鳳來儀

其二

汪洋如海沛

恩波賜復蠲租更設科洪範錫疇寧獨五華封獻祝本

來多即看桃熟三千算共喜籌添億萬過鷺序
鵷行雙闕下趨蹌羣進九如歌其三

海宇昇平仰

至尊草茅何幸侍金門夜窓黎火叨吟誦曉閣牙籤重
討論饌飫尚方霑澤厚衣頒

內府被春溫感

恩竊願傾葵藿拜舞同稱

萬歲樽其四

議敘知縣臣王會

紫微晴闕瑞烟濃南極星輝映

九重萬國歡娛朝

聖節千官歌拜頌華封螭頭曉浥金莖露仗外花飛晝

漏鐘此日循環周甲子普天加額慶殊逢

其一

卿雲糾縵旦光華四海車書共一家重譯輸將
來浴日中朝聲教被流沙科傳

萬壽風雲奮令著千秋雨露加況遇新租全

賜免歡聲齊拜

聖恩賒其二

問寢

璇闈孝治光

萬幾清晏拱垂裳日星彩煥

天章麗鸞鳳輝騫

御藻芳神禹九河歸底定狼胥三駕靖要荒文猷武畧

皆天縱幃載勲華詎易量其三

最是春光景色妍
碧桃初綻柳如烟
觴稱北斗呈天象
曲奏南薰敬

御筵湛露偏承芳
草渥恩波擬占上
林先忝陪鵷序
趨丹陛竊效嵩呼
祝萬年

其四

監

生臣吳暄

晴和春籞照瞳矐

聖節欣逢景福同
芳樹萬年凝瑞靄
青芝三秀拂祥風
堯齡甲子天無極
軒厯春秋日正中
宇內臣民

歌燕喜韶華好景自冲融其一

太平歷服本無疆薄海懽心仰

帝閭闕下喜聞調露樂堦前齊進袞龍裳賜衣父老瞻
天表重譯藩臣覲

日光共道

聖朝王會盛普天歌舞奏陶唐其二

優渥恩膏下九天紛紛五色

詔書傳萬方盡免三秋稅兩試重收四海賢郁郁慶雲

如蓋覆溥溥瓊露似珠圓歲端更仰嘉祥見激

灑先開玉井蓮

其三

嘉辰茂對值陽春玳瑁筵開宴莢新度索仙桃
餐不厭閨風玉酒御來頻三階位正逢興運八

采看生仰

聖人鉛槧小臣葵藿願岡陵歲歲祝

楓宸

其四

監

生臣王曾期

瞳矐瑞色映蓬萊萬國梯航獻壽來

鳳宸齊瞻千仗合鶯花爭向

九重開南山貞固乾坤共北斗輝光霄漢迴沐浴

皇恩逢六紀和風甘雨徧春臺其一

爐煙縹緲曙光融鵷鷺熊羆拜舞同蓂莢當階

三月翠蟠桃滿苑萬年紅和調玉燭崇文治者

定金甌炳武功

厚澤深仁均雨露歡騰朝野效呼嵩其二

輦道風清靜軟塵華燈法曲接

丹宸無疆

聖壽山川似不老

龍顏氣色新日正中天承泰運陽回大地際昌辰聯翩

童叟衢歌盛欣覩昇平億萬春

其三

浩蕩恩波萬象妍霞觴稱壽樂齊天衣冠兩陞

承仙露簫鼓千門徹

御筵甲子循環綿寶曆春秋次第頌椿年

小臣

載筆趨

金殿長寫龍綃繼玉編其四

監

生臣
顧祖雍

卿雲麗日盛陽春

聖壽欣逢月在辰
四海尊親瞻斗極
千官拜舞肅鈞陳
紫霞飛處韶光燦
絳實呈來景色新
率土共申

三祝意承

恩況復近

楓宸其一

上治雍熙化日長臣民齊進萬年觴階凝湛露
滋莫莢樂奏雲韶舞鳳凰萬國咸寧羣樂業

一人有慶正當陽

微臣

願效岡陵頌

堯德如天未易量

其二

壽域天開八表弘祥光南極喜高騰循環甲子
籌難紀熙皞年華歲屢登應許乾坤叅久大祇
容日月竝升恒古來亦有維祺主全盛如

今得未曾

其三

寶祚欣逢恰十千韶春令節太平年

聖心廣運兼三極文思欽明御六乾海晏河清周禹甸

衢歌巷舞戴

堯天葵衷莫報陽和德擬頌南山獻壽篇

其四

監

生臣鄒元斗

萬壽初登六十春普天歡忭慶良辰風清紳珮千官集
雲湧笙歌九奏新紅獻朔桃香正遠綠浮仙醞
味偏醇山川如畫鶯花麗此景真能樂

紫宸 其一

萬壽初登六十春赤霞紫氣護城闔

嵩齡自與乾坤永

峻德長同日月新治道昌明心似鏡物情洞鑒智如神

惠風翔洽桑麻茂相見無非熙皞人 其二

萬壽初登六十春天行維健道能純羣仙會合鸞凰舞

列服趨蹌玉帛陳紀日還應看瑞莢卜年長可

問靈椿遙知文囿風光美聽奏雲璈一曲新 其三

三

萬壽初登六十春陽和時節太平人苑花紅染晴光媚
宮柳黃拖曉靄勻地道正同

王道大天心長合

聖心仁

小臣

戴德何由報翹首南山獻頌頻

其四

監

生臣徐球

聖主當陽日麗天早躋仁壽正乘乾萬年花甲開堯曆
三月薰風入舜絃春滿螭頭金殿暖香清龍案

玉階傳試聽率土升恒頌小雅羣賡保定篇其

一

聖人邁古亦超今沐浴臣民江海深百辟衣冠明柳外
萬家歌管醉花陰仙桃果熟松喬獻野藪香清
耆老心到處南山齊介壽同聲嵩祝和虞琴其

二

洋溢聲名及遠人懸梯度索慶昌辰仁風入律
占王會瑞露延齡代貢珍重譯仰瞻

宮闕迥羣工羅拜

袞龍新為言自古天皇后今日還開億萬春

其三

海澨承恩縫掖生年年橐筆到蓬瀛唐詩追琢

千秋鑑

御選珠璣百世程豈有涓埃疇覆載還將歌詠荅昇平
敬攜春酒隨班入願獻無疆

萬壽觥

其四

監

生

臣

張果浚

聖皇臨御萬方春
階有仙莫野有麟
範衍箕疇五福永
詩陳天保九如新
安瀾滄海壽添屋
稔歲嘉禾地獻珍
翔洽太和彌宇宙
治登熙皞仰

鴻鈞

其一

人心協慶

帝圖昌嘉運昇平寶厯長
二典勲華

仁聖主大千尊勝梵天王
西池蟠寶香盈席南極珠躔
彩耀芒魏蕩難名符覆載
萬斯年祝祚無疆

其

二

多士歡騰文治隆
英賢鱗萃石渠中
鸞翔鳳翥
天章麗風起雲飛

聖藻雄百爾彙
征添藻榜四門廣
闢達

宸聰菁莪樂育

君恩渥率土咸歌
徧叟童

其三

壽效華封祝

聖多南山鎮古永
嵯峨我至誠不息
乾行健恭己無為
帝

載歌嵩嶽三呼神眷重簫韶九奏鳳音和循環

甲子周還始歲歲朝宗會玉珂

其四

監

生臣周旋

聖主當陽日萬幾玉衡中正紫垣輝承天功展開天大帝
統心傳道統微地受德風蕃草偃海涵仁澤衆川歸
熙朝即是義皇世

黼座恒垂藻火衣

其一

寶厯綿綿景祚昌嵩高獻壽集嘉祥耳先尼父聞聲

順德過重華在位長甲子同天周復始乾元統
地運無疆宮階莫莢璿璣厯億萬春秋奉

聖皇其二

絳霄南極應昌辰早喜仙葩報獻春日月倍明
宸藻麗江山不老物華新八風從律和三祝六合同心
慶

一人中外只今皆壽域年年歌舞荷陶鈞其三

閭闔平明瑞旭臨

九重佳氣暢

宸襟香凝

萬歲觴稱玉光燭千秋鏡鍊金化日舒隨

天福永陽春暖共

帝恩深草茅忝綴賡颺後獻頌希同擊壤音

其四

監

生臣沈經

和風淑氣監乾坤

紫殿春深笑語溫閭闔九天陳舜樂衣冠萬國奉堯

樽琪花瑶草來仙島桃實芝房滿

禁垣騎竹扶筇盡鼓舞躋堂稱兕報

君恩 其一

河清海晏不揚波

峻德豐功布太和澤徧神臯霑雨露化深藝苑樂菁莪

兩階干羽聲名盛六合梯航貢賦多風動時雍

超萬古四民順則聽衢歌 其二

紫雲降輦集羣仙鹿脯松肪玳瑁筵

鳳陛氤氲凝瑞靄

龍樓縹緲發祥煙栢梁臺泥金莖露太乙池開玉井蓮

德與天長膺寶籙籌添海屋萬斯年

其三

秘閣翻書選茂良微才亦得近春陽欣看瑞燦星雲
色快覩祥開河嶽光五十二年歌有道億千萬

載慶無疆

聖恩浩蕩同天地敢頌周詩保定章

其四

監

生臣樓儼

稽古陶唐癸巳年三多華祝聖人前恭逢繞電
流虹日正是和風甘雨天寰海謳吟齊擊壤廣
庭解慍入薰絃太和翔洽韶光好獻

壽杯開禁柳邊

其一

欣欣海寓慶年豐頻歲蠲租澤倍隆物與民胞
歸

帝德時雍風動愜

宸衷八鴻率舞春臺上四扈咸登壽域中仙沼芳菲先

獻瑞藕花元日映雲紅

其二

壽考由來頌作人
昭回雲漢麗青旻
天邊墨榜春風潤
宴上紅綾秋色新
更喜鷹揚抒壯志
還欣璧水

荷

深仁湛恩濺澤真如海共向

彤墀祝大椿

其三

雲開

紫殿影層層
太乙光分閣上燈
風雅親從刪定後
編

摩竊忝任難勝書成金石天同壽福衍箕疇道

自凝何幸小臣叨載筆萬年長願頌升恒其四

貢

生臣戴天瑞

六飛早御統乾坤萬國同心奉

至尊氣轉璿璣春授厯

衣垂藻火日臨軒平天成地勞偏著綠字丹書道愈

敦拜手一歌歌

大德五雲長繞

紫微垣 其一

阜財解愠理薰絃歲歲頻書大有年八極共球
超禹貢三春膏雨滿周田臣民咸樂昇平日遠
近同歸熙皞天拜手再歌歌

大德

聖皇百祿自綿綿 其二

巍巍蕩蕩總難名就日瞻雲獻悃誠愛戴普天
齊舉手尊親率土有同情義皇厯數疇能及堯

舜光華孰與京拜手三首歌

大德山川草木盡歡聲

其三

和風桃李徧春芳

聖節初周化日長

厚澤祥徵年自永

深仁瑞應祚方昌千官爭獻三多祝兆姓齊稱

萬壽觴拜手四首歌

大德如天如地慶無疆

其四

候選知縣臣潘秉鈞

天開壽域輦

皇圖電繞璇樞啓瑞符
月上三霄成合璧
星懸雙闕若聯珠
芳時蓂葉生瑤砌
清晝蓮花滴玉壺
鳳紀初周堯甲子
五雲拜手聽嵩呼其一
河清海晏慶昌辰
矢道欣逢

大聖人黎首時時涵閭澤

皇衷念念沛深仁
中天文治卿雲麗
大地恩膏湛露均

共祝南山歌

萬壽康衢擊壤樂堯民

其二

俗登仁壽世昇平稠疊

恩綸下玉京旭日雞竿看解網春風鹿野聽吹笙西山
紫氣迎芝蓋南海彤雲繞桂楹稽古有如今日

否巍巍蕩蕩總難名

其三

小大共球集

紫宸九天瑞日繞龍鱗露香桃熟當三月海碧壽添甫

六旬韶舞重聞千載樂堯樽共勸萬年春
恰逢雲漢為章日

壽考年年頌作人

其四

監

生

臣

吳廷元

萬方來賀集共球鳳
歷欣逢第一周軒樂
入雲連

帝囿堯樽挹斗會
神州川珍嶽貢充庭獻
華祝嵩呼率土謳
誅蕩九閭齊介壽
瑞煙常傍

袞龍浮 其一

紫禁曠曠彩旭懸三春景物正芳妍
花迎御氣全舒萼
柳惹天香半拂煙
丹粒轉盤神貺集
金泥封案
秘文傳太平有象登仁壽從此

垂衣億萬年 其二

南極晶熒夜吐芒
西池佳會捧瑤觴
八珍璀璨
仙人饌九醞
芬芳玉女漿
就日

天顏知有喜如山

聖壽祝無疆虹流電繞長春節歲歲開筵樂未央

其三

壽域弘開清宴時

微臣

何幸際昌期銀河波濤

織鱗潤玉露膏流小草滋萬載定知綿

寶曆三生永得戴

天慈九如篇什難賡和願附衢歌效祝釐

其四

貢

生

臣孫天霖

率土敷天戴

德長梯航萬國頌無疆頻書甲子方開始永歷春秋益

欽定四庫全書

欽定四庫全書
卷九十八

二十一

健強久道已知仁浩浩太平真喜福灑灑和風

麗日爭呈瑞

聖世臣民樂未央

其一

天壽繇來畀

至人巍巍功德更嶙峋聖神智勇原無匹道德文章始
識真典則遠符三代盛規模垂示百王遵昇平
共進岡陵頌環海春明拜

紫宸

其二

春日遲遲春景融欣逢

聖誕慶無窮泳游魚藻環文囿飛舞鶯花滿藥宮到處
笙歌張樂盛連朝酒醴

賜酺同一時民物登仁壽呼祝聲應繞華嵩

其三

未能通籍綴朝班兩度瞻天覲

聖顏無限帡幪思

賜第獨承召問到蓬山嵩呼遙聽雲霄上華祝濃書銀

漢間最是

小臣

欣獻壽年年此日拜

欽定四庫全書

蘇壽殿興初集
卷九十八

十三

恩還其四

童

生臣嚴文照

五雲高捧九重門
純嘏天心貺

至尊玉液香浮花甲酒
瑤池春暖碧桃根
萬年共樂昇

平化六合咸霑雨露恩
草莽

微臣

何以頌嵩呼

聖壽並乾坤

其一

融融淑氣布和風
品物齊歸化育中
四海安瀾

霑

聖澤三辰協瑞贊

神功璇璣獨運乾綱振寶籙長膺鼎命崇最喜序時調

玉燭人人鼓腹慶年豐

其二

萬幾餘暇擁瑤篇益信神明縱自天徧選奇書盈

御案新標妙義示

經筵

睿思時沛江河湧

聖翰高揮日月懸寸楮片言皆訓誥欽遵奕世永流傳

其三

祥雲瑞日滿神都重譯衣冠聚九衢海外占風

朝

聖主寰中戴德頌洪圖車書同會於今盛科目

恩添亘古無此際臣民爭祝嘏信知有道邁唐虞

其四

童

生臣鄒家龍

嘉貺禎符萃

聖躬歡呼嵩祝萬方同籌添海屋春秋富莫吐瑤階雨

露豐瑞靄遠連千樹綠卿雲深護百花紅須知

仁壽難勝紀星麗維南日正東

其一

紫禁春深敞壽筵蓬萊宮殿會群仙臣心願獻三千

實

聖壽應臻億萬年獸舞鳳儀依樹羽塗歌巷祝叶薰絃

可知民物皆生遂總沐

神功化育全

其二

日角龍顏應運生

萬年佳節樂稱觥要令人物還熙皞早荷乾坤毓

聖明灑翰難窺文思廣垂裳已慶治功成從茲山岳同

貞固軒昊馬能得竝名

其三

至治無為風俗淳祝

堯佳氣溢良辰福同江海涵千頃壽竝岡陵鞏萬春合
殿咸韶音自古盈廷冠佩頌初陳愚蒙自分尤
懸隔小草何當仰

大椿

其四

萬壽無疆賦 有序

武英殿監造 臣和素

康熙五十二年歲在癸巳三月十八日恭遇我
皇上六袞聖誕萬年之化日初長三月之春光正盛九
有和樂四海昇平鶴語上林徹九霄而獻壽鹿
遊靈囿率百獸以呈祥雲護高松蒼翠實同冀
蒞霞開旭日光華何啻景星進

萬年之觴者徧於朝野臣民頌

聖人之齡者達於要荒畿甸萬國衣冠齊來瞻祝普天

胥慶千載一逢

臣

愚戇無似特蒙

簡拔不次遷擢奔走

禁庭供應翰墨

臣

自成童即荷

主恩指授教誨已將五十年矣榮及祖父以迄兄弟子

姪自慚犬馬難酬萬一敢因

大慶昌期上獻無疆一賦賦曰

臣

聞

聖神文武

皇天必眷祿位名壽大德必膺此自然之嘉慶寶亘古之
休徵伏見我

皇上聖由天縱道本性生聚黃農虞夏於一世集堯舜
禹湯之大成鴻功莫匹至治難名無黨無偏會
歸有極而四方維則多材多藝體用兼備而萬
彙咸亨允執厥中心法為治法之根本永保天
命修身得養身之精誠固宜凌今轢古坐享長

齡臣又伏見我

皇上神運無方功昭有象協造化以同流致禎祥而皆
當普天率土咸歸壽域之中五服九州盡躋春
臺之上既瞻恭已而無爲實仰大勲之已放

若我

皇上文昭寰宇化被人倫婉典謨而更美紹丘索而推
陳研究經書總會商周而宗唐虞之統繙閱性
理淹貫程朱而得伊洛之真同文則親裁字典
叶韻則博綜佩文手批綱鑑以取法乎最上精

廣類函以日習乎多聞至

聖製之不一難枚舉而縷分八法取鍾王之奧吟詠諧
風雅之醇筆走而飛動龍蛇珠璣璀璨句成則
鏗鏘金石錦繡繽紛望雲漢之煥彩懸日月而
常新至若我

皇上威服萬方天鍾英武平三藩之叛逆坐運
神機掃絕漠之妖氛

親臨鼙鼓民胞物與本優容而無私秋肅春生亦一往

而莫禦梯山航海盡無梗化之區窮髮雕題悉屬

天家之土

聖德同覆載而難窺

聖壽亦萬億之難數則見夫

一人有慶薄海歡娛九功不忒於歌敘萬載長覺其寬
舒鶴算方增而彌徵至健仙籌遞進而信見盈
餘五百歲為春五百歲為秋何足比數三千年

開花三千年結實畧與同符周而復周若循環
之流轉旦而復旦似卿雲之歌呼於是乎布

恩綸施

皇澤九霄雨露無一地之弗霑萬國蒸黎無匹夫之弗
獲大矣哉福齊天地化溢乾坤駕鶴駢鸞獻琪
花於蓬島金枝玉葉綿瓜瓞於崑崙康衢歌頌
笙鏞悉通乎華祝簫韶樂舞宮商允叶乎雲門
臣
仰思我

皇上端拱穆清化育參贊精勤五十載正以啓千萬載
之始基拜祝

六十齡方以開億兆齡之華誕

臣拜手稽首謹呈

萬壽之賦而頌

天子無疆之算

萬壽盛典初集卷九十八

欽定四庫全書

史部
萬壽盛典初集卷
九十九
一百

詳校官宗人府丞臣實光鼐

編修臣程嘉謨覆勘

總校官知縣臣楊懋珩

校對官編修臣沈清藻

謄錄監生臣茅琳

欽定四庫全書

萬壽盛典初集卷九十九

歌頌三十九

蒙養齋諸臣

萬壽無疆詩

七言律三首

翰林

院庶

吉

士

臣

何國宗

運協中天景祚昌萬方玉帛拱

當陽車書一統仁風合花甲重新化日長雲燦金堦舒

睿藻霞輝銀漢麗

宸章

微臣

世沐

恩綸渥願借蓬壺作壽觴

其一

聖節天開淑景融五雲擁出日瞳矐

九重宮闕煙霞滿萬里江山雨露同政洽昇平歌

帝力民登熙皞識

皇風時和物阜人心樂共仰甄陶造化功

其二

經緯

宸衷本燦然

勅幾清晏倍精研
胷羅日月綜三極
手運璇璣自一天
律呂音聲由耳順
圖書秘奧得心傳

聖朝歷數超千古
鞏固金甌億萬年

其三

萬壽詩 五言排律二首

中 書 舍 人 臣 陳厚耀

宸翰輝煌揭

天章雲漢同作歌符帝世陳典軼皇風灑墨繁星燦揮

毫曉霧空鍾王添後勁顏柳奪前功

天縱兼游藝多能信亶聰莫窺淵海富百氏盡朝宗 其

一

鼎運逢昌熾坤輿載悅康虹流昭

帝瑞電繞發天祥白雉通鞮譯黃支隸職方

皇年天竝永

聖祚日俱長政教風雷合恩膏雨露香嵩呼朝北極萬

歲祝

君王

其二

萬壽詩五言排律二首

監

生臣
梅壑成

四海歡心合三春麗日舒堯堦垂綠柳靈沼躍
丹魚底績河平候敷文甲偃餘化成欣久道風
動識皇初

聖節開

宸宴嵩呼徹

玉除共球同萬國拜舞奉

龍輿其一

智勇由天錫精微學問殊圖書綜四聖詞賦軼

三都

寶翰光奎壁

宸章煥典謨璇璣周象緯道器溯根株健順乾坤運知

能易簡敷仁風彌六合華祝徧寰區

其二

萬壽詩七言律三首

舉

人臣何國棟

聖朝膏澤被蒿萊擊壤謳吟振八垓
白叟歡呼攜杖至黃童踴躍踏歌來
桃源日暖秧旗插柳陌風和社鼓催
千古昇平今日會熙熙皞皞樂春臺

其一

關門籲俊厘

宸衷文運弘開

曠典隆佳士翩翩咸就日英髦濟濟盡呼嵩沈麟起躍

桃花浪奮翮高騫桂子風

壽考作人真雅化無疆

寶祚與天同

其二

三春淑氣轉青陽爛漫宮花五色光

闕下衣冠齊獻瑞苑中麟鳳共呈祥香飄

玉殿千秋節酒泛瑤池

萬歲觴

聖歷綿綿天地永堯年舜日正舒長其三

萬壽詩 有總序

生

員 臣 潘蘊洪

臣 聞至仁御宇合壽國壽民以壽身大德乘時
統得位得名而得壽是以三皇厯算各垂綿衍
之春秋五帝享年共卜期頤之甲子貞恒紀於
周易久道化成欽允載於虞書時雍光被禎符
效順名上應夫璇圖福履恒綏祚遠延乎苞厯
湖竹書而遼遠啓金匱以輝煌自昔攸隆於茲

為盛欽惟

皇帝陛下

道洽生成

功弘位育

履仁蹈義備聖神文武之全

膺籙握圖際元會運世之盛

風雲從而萬物覩德業配乎乾坤

雨露滋而六位成高厚同於天地繞電流虹而後早

占有道之光華榮河溢洛以來載紀無疆之

寶厯固已至誠之徵悠且久氣轉洪鈞中天之日舒
以長祥開壽域矣茲屆

御極之五十有二年

闡澤覃敷

湛恩汪濊民安物阜景運日進乎熾昌邁五登三至
治益臻乎渾噩諸福可致之物奚啻東鰈西鰈
太平有象之徵不數江茅鄩黍禎祥屢至德契

三才瑞應頻臻化彌六合廣矣大矣皇哉唐哉
時則令在青陽月軌蒼陸雲開華景當風暄日
麗之辰

聖際昌期正地久天長之節年周花甲八方瞻南極之
輝壽竝椿齡三月應西池之瑞紫氣高迎仙掌
鳳閣風微紅雲近接爐煙螭坳日暖開九天之
閭闔集合殿之衣冠千官既蹕濟以朝天萬姓
亦歌呼而動地樓前陳舜樂鶯歌燕舞共颺和

風陌上進堯樽瑞麥嘉禾咸符泰運

臣 蘊洪等

微埃浥露小草傾暉伏遇

召試於

丹墀尚方給札比蒙引

見於

紫禁光祿傳餐恭聆

天語之煌煌重沐

皇仁之蕩蕩步履蓬山之禁地身霑滄海之恩波自顧

何人得邀異數躬逢盛事敢謝蕪言竭一念之
愚誠奉揚

駢祉賦七言之近體恭紀

鴻庥用申天保九如敬效華封三祝忘其分卑才下
冒塵乙夜之觀期於述德達情竊展萬齡之願
由此年年張樂與物皆春歲歲稱觥後天不老
常仰

天顏之有喜日繞龍鱗永祝

聖壽之長生壽添鶴算謹拜手稽首而獻詩曰

青陽淑氣轉洪鈞
正值蓬萊獻壽辰
瑞結彤雲環杏苑
香凝紫霧護

楓宸蒼龍闕下堯樽滿
丹鳳樓前舜樂陳
億萬斯年

綿

寶歷

聖恩長共物華新

其一

仙桃爛漫醉春光
此日瑤池會正長
率土共聞

三夏奏普天齊上萬年觴歡聲喜氣盈庭際鼓
腹含哺滿道傍願得河山同

聖壽

微臣

歲歲侍

君王

其二

貢

生

臣

沈承烈

春晴

蘭殿日華鮮甲子初周

聖壽綿綠野歡聲傳擊壤

彤墀喜氣叶鈞天蟠桃結實陳

雙闕仙李蟠根歷萬年滿捧瑤觴齊拜舞鴻休已備

九如篇 其一

運協中天

寶曆昌昭回率土被雲章西山霞氣縈長樂南極星
光照未央鑿齒雕題羅貢獻青麟赤雀效嘉祥
歡呼同進三多祝遙指山河

壽共長 其二

監

生臣朱崧

南極輝騰北極高日華初照

袞龍袍

上林暖氣熏紅杏

禁苑春光醉碧桃漢殿神芝生玉砌虞廷仙樂奏雲

璫新來仰觀

天顏喜五彩堯眉出壽毫

其一

昇平玉燭萬年枝喜遇瑤池上壽時爛漫仙桃

開

紫禁瞳矐旭日映

丹墀九圍共效華封祝八表齊賡天保詩慚愧草茅

何以獻願將海水注金卮

其二

貢

生臣馮 麟

海日初高瑞靄新朝宗玉帛拱居辰中天雨露
時時足萬里農桑處處春齊祝享年同海岱更
宜申祐福民人無疆

聖歷從茲始願共莊生紀大椿 其一

紫氣紅雲滿鳳城雍容雅樂奏昇平曾趨

上苑霑

天寵更飽官廚荷

聖情南極老人揚壽彩西池王母祝長生

微臣

感激慚

無報歡聽嵩呼

萬歲聲

其二

舉

人臣葉長揚

淑景花明

紫禁香千官齊進九如章無疆

聖壽看山色有喜

天顏就日光受祿只今超五帝卜年從此過三王

小臣

忝學箕疇算不盡

皇圖寶歷長

其一

聖人敷政與天同耳順精神達四聰日月有光常煜爚
乾坤無物不悒懽斂將五福歸臣庶祝得三多

報德功願萬萬年

君有慶嵩呼岳拜百花風

其二

童

生臣王元正

帝德難名

帝治昌五麟七鳳正呈祥
巍巍蕩蕩乾坤大歲歲年年

日月長愷澤已看周近服
深仁更復徧遐荒太

平

天子當陽久保佑申重契
昊蒼

其一

六十年來

宵旰勤民間幽隱悉知聞瑤池日暖

恩波潤瓊島春深花氣芬電繞虹流當

景運黃童皓叟亦懽忻

小臣

幸際唐虞世地久天長

祝

聖君

其二

監

生

臣陳世明

建章鐘漏曉初傳玉帛衣冠儼列仙金掌雲中

凝瑞露御爐花外霽祥煙春桃正值三千歲

聖壽方當六十年四海歡騰同此日齊呼

萬歲祝堯天

其一

和風霽日滿仙衢萬國朝天樂有餘壽獻南山

當輦道星環北斗拱

宸居雲霞色映蓬萊近劍珮聲同岳牧俱共喜千年符

寶歷瑤芝瑞莢吐堦除

其二

萬壽詩

七言律八首
有序

監

生

臣王

羽

臣聞至治法天必慶齊天之壽弘休炳日羣懷
望日之誠舜逢甲子之周方膺寶曆堯當癸巳
之歲共祝華封蓋久道化成竝山河而永固泰
階慶集同覆載以無疆欽惟

皇上

德懋日躋

功高光被

和剛柔於三德

奏歌敘於九功

運聖神文武之能八紘風動

立睿智聰明之極九有時雍

道契精微會一貫三才而出治

學綜今古通五車四庫以成章

仁孝著於璇宮遠邁問安視膳

友愛孚於紫禁更逾胙土分茅

勤宵旰於萬幾機樞獨攬寄股肱於三事賢雋畢登
潔簠簋以薦馨香明禋必肅升俎豆而崇理學

儒教宏開

聖武昭宣畿甸要荒四海烽煙永息

皇仁周浹東西南北萬方玉帛來同

覲岳省方時切已溺已飢之念

蠲租肆眚彌深如傷如保之懷搜博學於儒林咸登

虎觀採微長於藝苑供奉螭坳造士特開

萬壽之科每十年而必舉愛民普發太倉之粟不半月而頻頒海晏河清大澤之彌綸莫極禮明樂備至治之美利無涯允矣巍巍獨盛遐哉蕩蕩難名茲者時屆三春人欣

萬壽花鳴閭苑好供千歲之桃鶯囀上林宛和長生之曲瞻星輝於南極珮列千行看仙降於西池香聞百里

臣

江

蒲葵弱植蟣虱微生技乏占星幸

仰

龍光於九重天上學慚測景欣蒙

帝詢於五色雲中茲效嵩呼敬申華祝伏願

調歲功於悠久

皇圖常固萬年

膺厯數之綿長

聖祚永昌千禩謹拜手稽首而獻詩曰

八埏浩蕩布陽和

聖壽千官響玉珂當午堯天開景慶方中舜日照山河
仙門春動花能笑重譯人來海不波草莽幸隨
鸛鷺後揚塵拜舞祝三多 其一

首出乘乾仰

聖神車書一統靜煙塵兩階文舞三苗格五瑞羣朝四
岳巡風暖交河虛飲馬花明芳甸見遊麟今朝
壽域同登日薄海同歡皞皞民 其二

天亶聰明不可量萬幾餘暇試鉛黃縹緗夜映金蓮燭

翰墨朝浮玉几香韻轉珠璣登雅頌戩飛雲露
紹義皇傳來中外騰榮彩拱壁長增日月光

其

三

心源精一自唐虞贊述經書闡聖謨契合天人
還嗜學廓清黃老特崇儒樂翻韶濩獲臯夔遜數
究圖書隸首愚文運化成開至治蕩平千禩邁

三途

其四

年豐物豫慶桑麻蠲賑頻仍

厚澤加頒出天庾同雨粟收來地寶等量沙煙炊玉
粒農家飯苔沒蒲鞭漢吏衙黎首被

恩惟禱祝

萬年壽算正無涯 其五

貢舉弘開金榜題旁求俊彥拔塗泥紫芝幽谷
來蒲穀丹桂仙宮與玉梯騏驥連鑣天廡舞鸞
凰接翼上林栖羣才此日岡陵頌應與賡歌喜
起齊 其六

三吳

聖眷荷偏深問俗頻邀

玉輦臨草木添榮霑雨露山川增色被歌吟福星

帝簡隆司牧卿月人多備作霖一介草茅私感激惟懷

芹曝獻丹心其七

累世榮施

寵遇殊光天幬庇媿微軀全家半食

皇朝祿台鼎分參紫極樞

去夏臣嫡叔祖臣揆恩擢文淵閣大學士

刻楮

也邀

天一笑傾葵竊效嶽三呼生逢

盛世顓愚奮萬禩千秋遠

聖圖其八

萬壽頌

演連珠九首
有序

貢

生臣徐覺民

臣聞聖人出則日月紀其祥王者生則天地呈其應故詩稱百祿八方瞻有道之光書祝萬年四海慶無疆之厯降西池之王母曾言桃實三千志南楚之莊生早識椿齡八百民知順則野聞耕鑿之謠治進雍熙朝有賡揚之頌千百國車書丕集億萬載景運方新先後同揆古今不

異欽惟

皇帝陛下

聰明睿智

文武聖神

法四序以平分運陰陽而不息

位兩儀以立極體覆載之無私

治洽唐虞接精微之統緒

學宗孔孟紹洙泗之淵源

雲漢天章點畫燦龍鳳之筆

日星翰墨歌詩聽金石之聲三年而各省齊蠲南北
東西萬室羔羊共慶一歲而四闡兼試春秋冬
夏中原麟鳳咸遊

豐功紀河漢江淮允矣經天而緯地

盛德徧照臨霜露大哉武烈而文謨世際

昌期開八荒於壽域祥呈禹服躋兆姓於春臺恭逢
聖壽六旬正是陽春三月東皇司令淑氣乘時南極呈

祥榮光映漢千官濟濟羣瞻

北闕之星萬國攘攘共獻南山之酒士民愛戴岳牧

歡忻

臣

世受

國恩身叨異數管窺蠡測敢言厯算之微長尺線寸

材遂沐生成之

大德竊比九如之祝敬陳

萬壽之辭

臣

聞多福多男史有華封之祝如松如柏詩陳

天保之章是以乾坤呈其瑞應雲物驗其禎祥
海嶽來朝稱景命者曰

一人有慶岡陵致禱荷神庥者曰

萬福無疆其一

臣聞

聖人有道端政教於北辰

帝治無為運璣衡於南面是以王風暢而玉燭常調至
德隆而金甌永奠八表慶時熙之象過化存神

萬民安樂利之天衢歌巷諺

其二

臣聞瑞呈甘露廣要道者必格乎天草長祥蒲
備大德者更徵乎地是以處深宮而愛敬無違
闢寢門而晨昏不貳以天下養

聖人之至行維昭為四海型萬國之歡心共遂

其三

臣聞義畫初開萬古之圖書肇啓堯文聿煥千
秋之制作爰興是以

聖既本乎天縱學自見其多能集條理之始終金聲玉

振煥文章之璀璨霞蔚雲蒸

其四

臣聞六師致討弭兵者不能無兵九伐正邦用武者必先止武是以三蘂靖而牛馬胥歸兩階陳而羽干並舞海島玉塞凜

王法之威嚴沙漠滇黔頌

皇恩之公普

其五

臣聞虞廷欽恤象典有五等之刑漢室蠲苛立法奉三章之約是以寬而不弛威而不虐夏后

之車屢下日暖園扉湯王之網頻開星沉貫索

其六

臣聞頌紀周詩百室有盈寧之樂書陳禹貢千
年瞻底定之功是以

皇謨獨運

睿慮恒周籌黎庶之農桑蠲者蠲而賜者賜息波濤於

南北濬者濬而修者修

其七

臣聞易象茅茹見彙征於交泰詩歌棫樸頌

壽考之作人是以羣英之栽培共遂

朝廷之化育常新文武全昌鳳翽與鷹揚競奮春秋四

試鹿鳴偕雁塔同登

其八

臣聞執中之法萬古仰道統之傳洪範之疇千

載邇

聖王之治是以陳書講藝重道崇儒

念切修明學必宗乎鄒魯功兼述作理獨契乎程朱

其

九

萬壽詩五言律四首

監

生臣博爾和

為頌

聖人壽賡歌萬國同普天瞻麗日大地暢條風氣近西
山紫雲連北闕紅羣生霑化育咸在太和中

其

一

帝德隆今古車書四海同祥光生

黼座仙酒晏春風上苑柳舒綠瑤堦花映紅稱觴當此

日喜氣徧寰中 其二

聖主無疆壽惟天乃可同

九重施化雨八表被仁風
瑶草承春綠琪花向日紅
抒

誠齊獻祝遙拜五雲中 其三

重譯梯航至歡呼萬里同
惟茲孺慕意益見

聖慈風樂奏鈞天盛霞凝仙仗紅
小臣榮幸甚拜舞百

官中 其四

舉

人臣穆成格

禹甸山河壯虞廷玉帛將

一人真有道

萬壽慶無疆
瑩莢香三月冠裳集四方
誰言山海遠此

日共梯航

其一

龍旗輝曉日鳳管叶鈞天
鵠立千官侍鳬趨百
職宣獻來金是鑑撤去燭成蓮
共快瞻

天近歸攜滿袖煙

其二

羣黎欣化日

聖主鼓薰風大有頻年慶輕徭是處同

賜酺真額外

恩賚且宮中厚澤淪肌髓含哺頌

帝功

其三

盛代崇文治

熙朝愛士深杏花紅照騎柳色綠霑襟天上星辰燦人

間沆瀣

小臣

叨世澤拜手罄葵忱

其四

監

生

臣

穆世泰

暘雨欣時若春和化日長

一人宜景福萬象自輝光雲物天開瑞岡陵地獻祥永

言綿歷算

大德壽無疆

其一

賡歌盈

帝里佳氣徧

皇州不盡山川色無窮天地流萬年開

寶歷五福衍箕疇海屋多瑤算初添第一籌

其二

聖德齊天地山川共効靈榮光瞻

黼座春酒介

嵩齡象舞陳丹陛韶音奏大廷八方同獻祝萬載樂清

寧其三

盈廷稱

萬壽拜手頌無疆北闕清光近南山紫氣長瑞凝芝草

秀花發玉堦香歲歲逢華祝承

恩正未央其四

監

生臣余掄

萬國慶咸寧遐哉

帝德弘瞻雲欣共覩就日喜同登香氣衣冠襲歌聲

輦轂騰頌揚情未已拜手祝升恒其一

春光綿

寶曆

聖壽正無疆禹甸和風暖堯天化日長宮桃初綻藥御

柳早含芳并舞

丹墀下賡歌樂未央

其二

帝德乾坤永歡聲徧九州

恩綸常播遠

惠澤每旁流桃熟三千歲椿榮萬六秋臣民同獻祝海

岳作觥籌

其三

紫微光北極景運啓東皇

德共乾坤大

壽同天地長

九重端袞冕萬國盡梯航拜舞

彤廷下嵩呼祝

聖王其四

萬壽盛典初集卷九十九

欽定四庫全書

萬壽盛典初集卷一百

歌頌四十 教習進士館諸臣一

恭頌

萬壽無疆詩 有總序

教習進士侍講 臣 文志鯨

教習進士諭德 臣 吳廷楨

教習進士編修 臣 俞長策

臣聞昌期載啟宇宙溢為太和壽域方開星雲
呈夫上瑞五百年而運世上應璇圖八千歲以
為春遙推寶厯虹流電繞天示嘉徵日升月恒
人膺戩穀是以纂承一統享有萬年華祝稱禧
願聖人之多壽軒遊訪道受古錄以長生遼乎
皇代之春秋竹書告備煥矣帝廷之簡牒金匱
司存代有令聞今茲重覲欽惟

皇上

泰治方亨

乾行不息

運璿璣而鼓元化參贊成能

握金鏡而煥大猷懷柔式序

成天平地勤宵旰者歷五十二年

緯武經文慶安全者徧千八百國固已箕風畢雨應
皇極以備徵藪鳳郊麟迓天休而畢至當

仁恩之累洽值

聖壽之開祥序屬三春歷周六甲於時百昌暢遂咸披
明庶和風二氣交孚胥樂暄妍化日共球和會
占靈莢於瑞圖鵷鷺雍容醉仙桃於春色別有
龐眉皤髮扶杖來朝鑿齒雕題獻琛入賀莫不
瞻雲就日跂踵傾心伏北闕而颺言指南山以
介壽雖

皇衷冲穆猶循讓善之文廼

帝歷綿長自致福謙之應

天顏有喜民說無疆既德協覆載而同符宜壽與清寧
而合撰豈止樓前賜宴節慶千秋域內時巡嵩
呼萬歲而已哉臣等職膺翰墨學本疎蕪幸遇
聖世儲材俾新進被甄陶之化重荷

皇心慎簡令小儒兼教習之司典實出於

特恩士盡歸夫樂育用是秘書寓目快覩生平未讀之
篇因之餘藝遊心畧窺聲律相宣之旨恭逢

聖節喜觀

天儀諸臣芒屨甫離預趨蹌於朝會爾日葵忱難已抒
傾向於謳吟各分體以成章先綴詞而為序固
知日月光華莫能繪畫所冀海山容納不讓涓

塵仰陳

乙夜之觀俯展

萬齡之祝由此夏絃春誦長承

壽考之作人亦如巷舞塗歌竝和康衢之擊壤云爾

萬壽詩

四言十首

教習進士臣查雲標

天眷我

皇乘乾首出德契苞符道傳精一浩蕩堯天光華舜日

上際下蟠前超後軼其一

勅幾明作久道化成河清海晏衡正階平禾生六穗芝

產九莖

一人建極萬物由庚其二

莫大於天則之唯

聖執兩用中體元居正川嶽効珍飛潛遂性有雨稱甘

有雲名慶

其三

猗歟

聖誕際此昌期花明紫陌柳映青旗共球絡繹劍佩委

蛇般般百獸率舞堦墀

其四

我

皇謙冲俯念六宇禹儉彌敦湯仁益溥崇實為先隆名

無取大哉

皇心登三咸五

其五

師師有位載筆玉除連名進表拜手陳書冀疇
五福天保九如誰識我

皇德盛弗居

其六

彼歌且謠或童或叟鼓腹含哺携樽叩缶就日
傾心望雲稽首誰識我

皇功崇弗有

其七

古亦有言壽以云醕巍巍

帝治兩大為侔六十甲子八千春秋循環迭運始而復

周其八

我

皇之德存神過化我

皇之壽東岱西華里社羔豚村籬桑柘斂福錫民壽以

天下其九

我

皇之德處靜若淵我

皇之壽方至如川人遊化日樂奏鈞天霽雲五色寶鼎

億年其十

萬壽詩

四言八首

以聖神文武祿位名壽為韻

教

習

進

士

臣李登瀛

一人有慶膺圖凝命德竝義軒學宗孔孟精一執中緝
熙止敬俯育羣生仰齊七政久道化成皇矣

至聖

其一

篤生

聖人六合長春肅雖起化冲穆葆真其天浩浩其仁眈
眈薄海內外莫不尊親同流天地過化存神其

二

萬幾克勤游心典墳金簡玉軸華采成雲纂組藻繪

宸翰靈紛網羅百代景爍揚芬倬彼雲漢天下同文其三

普天率土我

皇悉主禁旅奮揚如貔如虎風動霓旌雷鳴天鼓廓清

宇宙德孚干羽永永太平止戈曰武其四

凝承寶籙介茲景福玉食萬方貢金九牧敬天
重農省耕祈穀昭格上穹屢豐淳熟

皇王烝哉受天百祿

其五

聰明睿知拔萃出類重譯來王五玉輯瑞端拱
太清四表光被建極開天功崇德備穆穆皇皇

永隆

天位

其六

地平天成盛莫與京百靈協應三光融明宣昭

義問通駿厥聲塗歌巷舞俯順民情巍巍蕩蕩

帝德難名 其七

高明博厚道兼悠久籌溢東瀛星輝南斗太極
涵心乾綱握手薰風揮絃愷樂飲酒日升月恒

天子萬壽 其八

萬壽詩 四言四首

教習進士 臣周王春

爛彼卿雲呈於中天光華復旦曦曜高懸維

皇建極出震乘乾百靈効順諸福殷闡

臣拜稽首

天子萬年

其一

臣拜稽首祇承

天休陽和應律六甲一周惠風東來扇被九州川原

膺卉木油油登彼春臺百祿是道

其二

春臺蕩蕩太平之象維道化民裁成輔相譬彼

洪鈞剛柔劑量豈繫小補驩虞是尚大哉

皇猷天參地兩

其三

大哉

聖言黜華崇實德盛守謙自強不息百辟卿士彝教率
迪愛敬尊親恪共乃職於萬斯年躋仁壽域其

四

萬壽詩

四言一首

教習進士臣璩廷慶

行健唯天我

皇是則作君作師建其有極三春良辰籌添歷數士喜

開科農欣免賦恩及狴犴澤加鴈鷺侯甸要荒
輻輳豫附貢列球琛樂陳韶濩徧宇榮光敷天
湛露

聖心憂勤始終無勸屢却鴻名何言封禪謙德既孚泰
交孔徧久道化成治臻美善懷柔河嶽和會陰
陽緝熙純嘏俾熾俾昌五福稱祝九如拜颺億
萬斯年覆載同長

萬壽詩 四言六首

教習進士臣何騰三

天保我

皇乃聖乃神執中致和乾德精純時雍風動錫慶兆民

萬方攸暨媚茲

一人其

天保我

皇百福孔臻山嶽修貢川谷効珍豐年穰穰室家溱溱

洪鈞一氣金鏡常新

其二

天保我

皇覆幬無垠平康建極道路咸遵殊方通贄重譯來賓

一人有慶六合皆春

其三

六合皆春萬物化醇惠風和暢披德拂仁五雲

三秀布護彌綸躋堂稱觥長此芳辰

其四

稱觥拜舞露液雲津連蜷霞幔明淨花茵咸英

韶護大樂具陳氤氲佳氣儀鳳翔麟

其五

佳氣氤氲何物不均普天率土山陬海澨以生

以育既蕃既淳高明悠久

景命用申

其六

萬壽詩

四言一首

教

習

進

士

臣

虞景星

綿綿宇宙闢自洪荒聖神迭起建極中央文明
啟運篤生我

皇亶聰首出歷服無疆高乘離照靜體乾剛化成久道
寢熾彌昌慶周花甲

鑾馭青陽和風條暢麗景舒長日輪耀彩霞旆騰光川
嶽貢瑞雲物呈祥西鵜東鰈山梯海航敷天擊壤
夾道焚香華封善頌豳什稱觴三多五福莫罄
拜揚長懸金鏡永揭珠囊億萬斯年

端拱垂裳

萬壽詩

五言古四首

教習進士臣吳翊

貞符啟

睿聖纂圖廓區宇祥源濟文明懿光鑠神武鳳編周六

十

龍御綿九五錫祺本道高道福緣仁普苞涵貫亭育觀
察籠仰俯四維翕森張七政歸凝撫松雲澹契
堯樛輜勤追禹奠極拜金書綏邊劃玉斧精思
運樞機公聽懸鞀鼓於赫冠百王遁駿超三古
覽揆始攝提長籌詎能數

天子壽萬年純禧膺永祜

其一

純禧協五紀

垂衣仰穆清靜誠飭戶牖動運周埏絃頻行時邁典屢
肅不庭征樹羽宣文教麾戈揚赫聲宥弘三面
網縶戢六鈴兵紀雲喬瑞郁占星泰階平

法宮奏慶善至樂諧韶韻薰風入瑤瑟華泰播瓊笙舜
觚頒愷飲湯鼎劑和羹九達歡豐大

一心儆恒貞不登封禪議載却鴻嘉名

天子壽萬年邳治勝蓬瀛

其二

鄧治保太和誠通自悠久運開龍鳥先澤衍睢
麟後含生被煦噢踐土銜

高厚庥氣浹巖廊薰風播農畝南山松柏榮濃暉潤花
柳瓊霄捧紫霞興壤齊拜手巴舞抃孺童謳歌
躋龐叟鴻慶更無邊胥譯拓九有西旅總浮河
東鯤盡瞻斗黃支并烏弋琛貢先奔走欣誦未
央詩洪霑長樂酒

天子壽萬年尊親戴

元首其三

尊親徧寰宇沐浴先儒流天文倬呈象河漢垂
清秋疇畫闡義昊典謨邁殷周選辭尚體要作
人訓姤修飫露

壽考澤樸椒供薪櫛大科慎品鑑

特試精研菟微臣忝論造重瞳賜甄收讀書育黎館習

禮瞻龍樓

彤庭與三祝仙闕擬十洲柳衫厠章黻鳧藻依旌旂

弇鄙蘊寸丹衢謠讚鴻庥

天子壽萬年卷阿

湛恩優

其四

萬壽詩

五言古一首

教

習

進

士

臣

張謙宜

堯天浩蕩舜日麗遲遲化成由久道

寶厯開昌期六合興禮樂萬國偃旌旗仁風多翔洽黎

庶樂雍熙藉問何能爾

聖敬惟日孜孜祚五十二乾綱獨握持聰明察邇言虛
衷廣疇咨朝堂列稷契邊徼委能罷羣策各効
力纖悉皆周知簡賢尚付託量能授官資節儉
惜物力恒慮生齒飢頻年蠲租賦含哺相娛嬉
育才隆教化菁莪廣被滋高岡多翹羽和鳴上
梧枝春光轉韶景草木紛葳蕤千官慶

聖節九如陳鴻詞我

皇體天德淵穆儼若思樂與兆人共神仙何足竒瑞粟

逾丹粒嘉禾勝靈芝爾民歌擊壤

九重天顏怡昇平稱上壽覆幬無偏私

臣

本草茅士教

養荷

洪慈操筆事編纂華藻愧揆擣所願億萬載歌詠太平

時

萬壽詩

七言古一首

教

習

進

士

臣

答茹頴

粵稽帝堯癸巳年康衢華祝垂簡編峻德則天

萬古傳我

皇癸巳慶周天六合呼嵩聲駢闐先聖後聖揆一焉健
行不息躬體乾與天同大覆蓋圓與天同久泰
運旋大德曰生仁育全大法執中精微研大知
光昭天下先久道雍容臨廣淵久安黎庶勤服
田久照升恒常轉還明威赫濯風雷宣求寧懷
保心惓惓時巡江海滙百川洪河疏鑿指劃便
恩波浩蕩流無邊部屋茅簷頻賜蠲羣材樂育

荷陶甄苗民草面頑梗遷南朔梯航廣幅員東
西漸被彌九埏自古功烈難比肩冲懷謙讓加
惕虔宵衣咨治儆官聯奎章巍煥星日懸宇宙
大文恣包纏妙契理學蒐真詮圖畫探追倉史
前銀鈎玉薤爭摹鐫壽世應同金石堅太平歲
月恒久延時雍壽域開八千和風三月淑景妍
昆蟲卉木咸熙然

皇心自操造化權元會億萬鞏綿綿

萬壽詩

七言古一首

教

習

進

士

臣

黃天球

南極壽星生紫芒四表上下多榮光

九重當陽流大化如雲如日垂衣裳德心廣懋運乾始

萬幾一貫精誠裏大含海壤納鴻苞細別毫芒

徹精理默鼓仁風鑄八埏神功無迹恩無邊淳

樸直追懷葛氏恬熙宛在義皇年宵旰猶然勤

保惠異數紛綸時下逮共竭茅簷方寸心願祝

彤庭億萬歲鳳城三月五雲新重譯梯航拜

玉宸瑞符寶歷惟仙莢福蔭寰區是大椿何幸天階作
桃李雨露濃霑未有底追陪鷺序覲

龍光竝效嵩呼歌燕喜蓬萊花滿海籌盈長觀升恒日
月明祈將率土無疆頌播入春風慶泰平

萬壽詩 七言古一首

教習進士 臣 田長文

昌期載啟誕我

皇凝圖握瑞總乾綱光華日表鍾天祥禮樂經緯文治
彰聲威赫濯武功揚堂廉喜起會明良車書四
海共來王宵旰精勤軫萬方巡河周嶽湛恩滂
租賦頻蠲兆姓康好生棘寺看鸞翔萬幾餘暇
親縹緗精一傳心遙相望

天文典詰通輝煌龍蟠鳳翥煥奎章崇儒重道飭膠庠
追琢多士成圭璋作人壽考壽無疆淑景融和
物候芳鶯歌花舞

御筵張觴連瀛海酌瓊漿樂奏鈞天來鳳凰卿雲紛郁
爐煙傍甘露濃滋萬彙昌千官獻祝韻鏗鏘率

土呼嵩樂洋洋

小臣

累代荷

恩光葑菲重蒙化雨灑竊媿無才效賡颺惟願

聖壽比昊蒼

萬壽詩

七言古一首

教習進士

臣卜兆龍

我

皇神聖致昇平極天第祿何崢嶸六宇祥光凝紺碧萬
年景命符元貞武功文德迥超越涵濡滲漉彌
埏紘體元居正調玉燭巍巍蕩蕩誠難名昌辰

正喜當三月萬衆昭融怡

睿情卿雲靈黷應圖瑞薰風披拂鳴韶箠上苑青葱森
玉樹

御筵沆瀣浮金莖宮花爛熳珍禽集苑柳霏微仙仗迎
虎戟鸞旂盛環衛香煙瑞靄相旋縈兆民擊壤

效衢祝羣工拜手聞歡聲

天顏喜溢陽和色紫氣絪縕滿太清

小臣

樸鄙媿善頌

願指南山與東瀛

萬壽詩

七言古一首

教

習

進

士

臣

汪

樹

巍巍莫竝惟穹蒼我

皇則之御萬方黼宸端拱垂衣裳心傳精一接虞唐五
十二載際時康神聖文武邁百王清晏熙恬化

日長共球絡繹紛琳瑯雕題鑿齒咸梯航久道
化成世運昌文明剛健彌自強宵衣旰食勤不
遑含哺鼓腹慶倉箱倬彼雲漢麗天章郊數麟
遊並鳳翔萬類敷榮戴青陽煥赫紅日上扶桑
曉開閭闔延景光羣指南山獻壽觴休徵嘉瑞
呈虹祥會極歸極慶無疆

萬壽盛典初集卷一百